



一丸，水润吞之，提线钩出也。

#### 栗壳

【气味】同扶。

【主治】反胃消渴，煮汁饮之。孟诜。煮汁饮，止泻血。大明。

【附方】新一。鼻衄不止累医不效。栗壳烧存性，研末，粥饮服二钱。圣惠方。

#### 毛球栗外刺包

【主治】煮汁，洗火丹毒肿。苏恭。

#### 花

【主治】擦痂。吴瑞。

#### 树皮

【主治】煮汁，洗沙虱、溪毒。苏恭。疗疮毒。苏颂。治丹毒五色无常。剥皮有刺者，煎水洗之。孟诜。出肘后方。

#### 根

【主治】偏肾气，酒煎服之。汪颖。

## 枣

#### 生枣

【气味】甘，辛，热，无毒。

#### 大枣

【释名】干枣、美枣、良枣。

【气味】甘，平，无毒。

【主治】心腹邪气，安中，养脾气，平胃气，通九窍，助十二经，补少气、少津液、身中不足，大惊四肢重，和百药。久服轻身延年。本经。〔宗爽曰〕煮取肉，和脾胃药甚佳。补中益气，坚志强力，除烦闷，疗心下悬，除肠癖。久服不饥神仙。别录。润心肺，止嗽，补五脏，治虚损，除肠胃癖气。和光粉烧，治疳痢。大明。小儿患秋痢，与蛙枣食之良。孟诜。杀乌头、附子、天雄毒。之才。和阴阳，调荣卫，生津

液。李杲。

#### 叶

【气味】甘，温，微毒。

【主治】覆麻黄，能令出汗。本经。和葛粉，措热痲疮良。别录。治小儿壮热，煎汤浴之。大明。

【附方】新二。小儿伤寒五日已后热不退。用枣叶半握，麻黄半两，葱白、豆豉各一合，童子小便二钟，煎一钟，分二服，取汗。总录。反胃呕啰干枣叶一两，藿香半两，丁香二钱半，每服二钱，姜三片，水一盏煎服。圣惠方。

#### 木心

【气味】甘，涩，温，有小毒。

【主治】中蛊腹痛，面目青黄，淋露骨立。剉取一斛，水淹三寸，煮至二斗澄清，煎五升，旦服五合，取吐即愈。又煎红水服之，能通经脉。时珍。出小品方。

#### 根

【主治】小儿赤丹从脚跌起，煎汤频浴之。时珍。出千金。

【附方】旧一。令发易长取东行枣根三尺，横安甌上蒸之，两头汗出，收取傅发，即易长。圣惠方。

#### 皮

【主治】同老桑树皮，并取北向者，等分，烧研。每用一合，井水煎，澄取清，洗目。一月三洗，昏者复明。忌荤、酒、房事。时珍。

